




COMUNE DI TAVAGNACCO
COMUN DI TAVAGNÀ

Cine Sot des Stelis

Edizion Istât 2021

Cine tal viert in Place a Mulinûf (Tavagnà)




VINARS 6 AVOST a 21.00

(in câs di brut timp SABIDE 7 AVOST a 21.00)

Dumbo (fantastic, 2019, Walt Disney) di Tim Burton

Holt Farrier al è une ex star dal circ che tornant de vuere al cjate le sô vite ribaltade. Il paron dal circ Max Medici al cjape sù a vore Holt domandantji di viodi di un elefant a pene nassût cu lis orellis sproportionadis che lu fasin someâ a un pipinot dal circ che al è za in dificoltât par cont so. Ma cuant che i fis di Holt a scuvierzin che Dumbo al è bon di svolâ, il dût impresari V.A. Vandevere e une trapeziste che si clame Colette Marchant a fasaran di dut par trasformâ il stramp elefant intune star dal plui famôs parc dai divertiments...



VINARS 13 AVOST a 21.00

(in câs di brut timp SABIDE 14 AVOST a 21.00)

Yesterday (comédie, 2019, Universal Pictures) di Danny Boyle

Jack Malik al è un cjantautôr emerzent intune piçule citadine inglese che al viôt i siums di glorie disfâsi cun dut de so indurance devozion e dal sostegn de sô miôr amie, Ellie. Daspò di un balort scuintri cuntun autobus par colpe di un misteriôs blackout globâl, Jack si dismôf e al scuvierç che i Beatles no son mai esistûts... e si cjate denant di un dileme. Esibintsi cu lis cjançons de band plui cognossude de storie dal mont che lis a mai sintudis, Jack al cjape di bot fame ma vuadagnant la glorie, il cjantant al riscje di pierdi Ellie, la sole persone che a simpri credût in lui.



VINARS 20 AVOST a 21.00

(in câs di brut timp MARTARS 24 AVOST a 21.00)

Il piccolo Yeti (animazion, 2019, Universal Pictures) di Jill Culton e Todd Wilderman

Daspò di vê scuvieret un zovin Yeti sul cuvier dal so condomini a Shanghai, e velu dî "Everest", la frutate Yi e i siei amis Jin e Peng, si imbarcin intune epiche imprese par tentâ di riunî la magjiche creature cu la so famee tal pont plui alt da Tere. In ogni câs, par judâ Everest a tornâ a cjase, il tercet di amis al scugnarâ frontâ il siôr Burnish, un omp abenât cence scrupui, intenzionât a caturâ il Yeti.



VINARS 27 AVOST a 21.00

(in câs di brut timp SABIDE 28 AVOST a 21.00)

Il Richiamo della Foresta (aventure, 2020, 20th Century Fox) di Chris Sanders

Dal omonin romanç di Jack London, Buck al è un cjan cuntun cûr grant, cuntune vite serene in famee che sarà savoltade cuant che al ven di bot sequestrât de sô cjase in Californie e puartât inte nature salvadie dal Yukon canadês dilunc vie de Corse al aur dai agns 1890. Tant che gnove matricule di une scudare di cjans di slite, che al deventarâ daurman il so cjâf, Buck al vîf un meraveôs viaç di formazion che lu puartarâ a cjatâ il so just puest tal mont e a diventâ paron di se stes.

JENTRADE LIBARE

Partecipazion dome su prenotazion, tal respet da normative metude in vore par l'emergenze dal Covid-19, telefonant al 345 9345004 che al rispunt dal martars al joibe des 17.00 aes 19.00.

La prenotazion a è setemanâl, e a reste valide sia par la proiezion dal vinars che dal recupar. Al è necessarie la mascarine.

Par plui informazions: www.comune.tavagnacco.ud.it - in colaborazion cun